

二十五別史

大金國志
元朝祕史

齊魯書社

二十五別史

PDG

二十五別史

大金國志
元朝秘史



齊魯書社

大金國志

[金] 宇文懋昭 撰

李西寧 點校

經進大金國志表

臣懋昭上言，竊惟紀外國之曆年，簡書具在；考累朝之文館，事迹難磨。(愛)〔爰〕輯遺聞，少(裡)〔裨〕淵覽。伏念臣偷生淮浦，竊祿金朝，少讀父書，因獲清流之選；日親文苑，粗知載記之詳。迹其所以興亡，是以可為鑒戒。其《金國志》，起自武元天輔至于義宗，九主百一十七年，哀集成編，卷分條別。本其初興之地，勢局一隅，肆此兼并之謀，志吞四海。饕淫日積，篡弑相仍，雖運數之使然，亦事機之適爾。獨世宗寬厚，遂得“小堯舜”之稱。然泰和荒昏，已階周幽厲之釁。日斜西崦，數到盡頭，皇天從而降災，聖明為之啟運。

臣誠惶誠懼，頓首頓首。恭惟皇帝陛下道包文武，德運聖神，新天開地闢之規模，奮雷厲風飛之氣勢。奏蔡城之凱，人(無)〔覩〕漢官威儀；清關洛之塵，民快唐家日月。皇靈遠被，天意交歸，由江漢而出師，願見〔舊〕時天子；從淮西而入覲，永作皇家老臣。臣干冒天威，無任激切屏營之至。臣所輯《大金國志》謹隨表上進以聞。

臣惶懼惶懼，頓首頓首，昧死謹言。

宋端平元年正月十五日，淮西歸正人、改授承事郎、工部架閣臣宇文懋昭上表

金國初興本末

金國本名朱里真，番語舌音訛為女真，或曰慮真，避契丹興宗名。又曰女直，肅慎氏遺種，渤海之別族也。或曰三韓辰之後，姓挐氏，於北地中最微且賤。唐貞觀中，靺鞨來中國，始聞女真之名，世居混同江之東長白山下。其山乃鴨綠水源。南鄰高麗，北接室韋，西界渤海、鐵離，東瀕海，《三國志》所謂挹婁，元魏所謂勿吉，唐所謂黑水靺鞨者，今其地也。

其屬分六部，有黑水部，即今之女真。其水掬之則色微黑，契丹目為混同江，深可二十丈餘，狹處可六七十步，闊者至百步。居江之南者謂之“熟女真”，以其服屬契丹也；江之北為“生女真”，亦臣於契丹。後有酋豪受宣命為首領，號太師。契丹自賓州混同江北八十里建寨以守。

又云：契丹乘唐衰興北方，吞諸番三十六，女真在其中。契丹恐女真為患，誘豪右數千家處之遼陽之南而著籍焉，分其勢，使不得與本國通，謂之“合蘇欵”。自咸州東北分界入宮口至東沫江，中間所居之女真，隸咸州兵馬司，與其國往來無禁，謂之“回霸”。極遠邊而野居者，謂之“黃頭女真。”

又，居東沫江之北，寧江州之東，地方千餘里，戶十餘萬。〔無〕大〔居〕〔君〕長，亦無國名，止是族帳散居山谷間，自推豪傑為酋長。小者千戶，大者數千戶，蓋七十二部落之一也。僻處契丹東北隅，臣屬一百餘年，世襲節度使，兄弟相傳，周而復始。

或又云：其初酋長〔本新羅人，號完顏氏。“完顏”，猶漢言“王”也。女真妻之以女，生二子，其長〕即胡來也。其自此傳三人至楊割太師，以至阿骨打。以其國產金及有金水源，故稱大金。

金國九主年譜

太祖武元皇帝^①以戊戌^②稱帝，國號大金，建元天輔，至癸卯天輔六年^③五月乙丑崩，在位六年。

太宗文烈皇帝^④癸卯改元天會^⑤即位，至甲寅天會十二年^⑥。冬崩，在位一十二年。

熙宗孝成皇帝^⑦。甲寅天會十二年冬即位，至戊午改元天眷，辛酉改元皇統，至己巳皇統九年^⑧十二月丁巳，為從弟岐王亮所弑，在位一十六年。

海陵煬王。己巳改元天德^⑨即位，癸酉改元貞元，丙子改元正隆，至辛巳正隆六年^⑩十一月乙未，為諸將弑于揚州瓜洲鎮龜山寺，在位一十三年。

世宗聖明皇帝^⑪辛巳改元大定，^⑫十月丁未自立于會寧府至己酉大定二十九年餘二日^⑬癸巳崩，在位二十九年。

章宗皇帝^⑭〔己酉正月癸巳即位〕，庚戌改元明昌，^⑮丙辰改元承安，辛酉改元泰和，〔至〕戊辰泰和八年^⑯十一月丙辰崩，在位一十九年。

東海郡侯^⑰己巳改元大安^⑱即位，壬申改元重慶，癸酉改元至寧，^⑲八月甲午，為紇石烈執中遣內侍李監成弑

于其府，在位五年。

宣宗皇帝^②癸酉九月丙午即位，改至寧元年為貞祐元年，^③丁丑改元興定，（癸未）〔壬午〕改元元光，至（甲申）〔癸未〕元光二年^④十月崩，在位一十二年。

義宗皇帝^⑤〔癸未〕元光二年冬即位，（乙酉）〔甲申〕改元正大，壬辰春改元開興，夏改元天興，^⑥癸巳歸德府絕糧，六月奔蔡州，八月，大兵與宋兵攻蔡，甲（申）〔午〕天興三年^⑦正月己酉，禪位于後主總帥丞麟，即閉閣自縊，在位一十一年，金亡。

金主自宋徽宗（重）〔政〕和（戊戌）〔乙未〕稱帝，至理宗端平甲午，計九主，一百一十（七）〔年〕。

①元名阿骨打，改名旻，遼楊割太師子。 ②宋徽宗重和元年、遼海濱王天慶八年。 ③宋徽宗宣和五年、遼海濱王保大三年。 ④元名吳乞買，改名晟，太祖之弟。 ⑤宋宣和五年、遼保大三年。 ⑥宋高宗紹興四年。 ⑦元名曷剌馬，改名賣，太祖嫡孫，（定）〔宗〕浚之子。

⑧宋紹興十九年。 ⑨元名孛烈，改名亮，太祖孫，遼王宗（翰）〔幹〕之〔子〕。宋紹興十九年。 ⑩宋紹興三十一年。 ⑪元名哀，改名雍，太祖孫，冀王宗輔之子。 ⑫宋紹興三十一年。 ⑬宋（光宗庚戌紹熙元年正月）〔淳熙十六年〕。 ⑭諱璟，世宗之孫，太子允恭子之。

⑮宋〔光宗〕紹（興）〔熙〕元年。（正月甲午即位） ⑯宋寧宗嘉定元年。

⑰諱允濟，世宗第七子。 ⑱宋嘉定二年。 ⑲宋嘉定六年。 ⑳諱珣，世宗之孫，顯宗允恭長子。 ㉑宋嘉定六年。 ㉒宋嘉定十（七）〔六〕年。 ㉓諱守緒，宣宗第三子。（甲申） ㉔宋理宗紹定（六）〔五〕年。 ㉕宋理宗端平元年。

大金國志目錄

經進大金國志表	(1)
金國初興本末	(1)
金國世系之圖	(1)
金國九主年譜	(1)
第一卷 紀年一	(1)
太祖武元皇帝上	(1)
第二卷 紀年二	(9)
太祖武元皇帝下	(9)
第三卷 紀年三	(18)
太宗文烈皇帝一	(18)
第四卷 紀年四	(29)
太宗文烈皇帝二	(29)
第五卷 紀年五	(41)
太宗文烈皇帝三	(41)
第六卷 紀年六	(54)
太宗文烈皇帝四	(54)
第七卷 紀年七	(63)
太宗文烈皇帝五	(63)

第八卷 紀年八	(71)
太宗文烈皇帝六	(71)
第九卷 紀年九	(77)
熙宗孝成皇帝一	(77)
第十卷 紀年十	(84)
熙宗孝成皇帝二	(84)
第十一卷 紀年十一	(90)
熙宗孝成皇帝三	(90)
第十二卷 紀年十二	(98)
熙宗孝成皇帝四	(98)
第十三卷 紀年十三	(104)
海陵煬王上	(104)
第十四卷 紀年十四	(109)
海陵煬王中	(109)
第十五卷 紀年十五	(115)
海陵煬王下	(115)
第十六卷 紀年十六	(122)
世宗聖明皇帝上	(122)
第十七卷 紀年十七	(129)
世宗聖明皇帝中	(129)
第十八卷 紀年十八	(135)
世宗聖明皇帝下	(135)
第十九卷 紀年十九	(140)
章宗皇帝上	(140)
第二十卷 紀年二十	(148)

章宗皇帝中	(148)
第二十一卷 紀年二十一	(153)
章宗皇帝下	(153)
第二十二卷 紀年二十二	(159)
東海郡侯上	(159)
第二十三卷 紀年二十三	(165)
東海郡侯下	(165)
第二十四卷 紀年二十四	(171)
宣宗皇帝上	(171)
第二十五卷 紀年二十五	(182)
宣宗皇帝下	(182)
第二十六卷 紀年二十六	(190)
義宗皇帝	(190)
第二十七卷	(202)
開國功臣傳	(202)
粘罕	(202)
骨撨	(203)
斡離不	(204)
蒲路虎	(205)
兀朮	(205)
銀朮	(206)
兀室	(207)
婁室	(208)
撻懶	(209)
撒離曷	(210)
窩里囁	(210)

烏陵思謀	(211)
韓常	(212)
第二十八卷	(213)
文學翰苑上	(213)
宇文虛中	(213)
蔡松年	(213)
蔡珪	(214)
高士談	(214)
馬定國	(214)
施宜生	(215)
郝保	(215)
李晏	(215)
王寂	(216)
劉昂	(216)
楊雲翼	(216)
史肅	(217)
蕭貢	(217)
李適	(218)
馮延登	(218)
梁持勝	(219)
馮璧	(219)
韓玉	(220)
第二十九卷	(221)
文學翰苑下	(221)
王若虛	(221)
麻九疇	(221)
高廷玉	(222)

張萬公	(222)
董師中	(223)
胥鼎	(223)
張行中	(223)
路仲顯	(224)
耶律履	(224)
王予可	(224)
李獻甫	(225)
党懷英	(226)
趙秉文	(226)
周昂	(227)
第三十卷	(228)
楚國張邦昌錄	(228)
第三十一卷	(232)
齊國劉豫錄	(232)
第三十二卷	(240)
立楚國張邦昌冊文	(240)
立齊國劉豫冊文	(241)
金國檢視大宋庫藏	(243)
金國取去大宋寶印	(243)
宗族隨二帝北遷	(244)
第三十三卷	(247)
天文	(247)
地理	(247)
燕京制度	(248)
汴京制度	(249)

陵廟制度	(251)
儀衛	(252)
第三十四卷	(254)
旗幟	(254)
車繼	(254)
服色	(255)
千官品列	(256)
第三十五卷	(264)
雜色儀制	(264)
誥勅	(268)
除授	(268)
天會皇統科舉	(269)
天德科舉	(271)
第三十六卷	(272)
皂隸	(272)
浮圖	(272)
道教	(273)
科條	(273)
赦宥	(274)
屯田	(275)
田獵	(275)
兵制	(276)
第三十七卷	(277)
兩國往來誓書	(277)
第三十八卷	(281)

京府州軍	(281)
第三十九卷	(286)
初興風土	(286)
男女冠服	(287)
婚姻	(288)
飲食	(289)
第四十卷	(290)
許奉使行程錄	(290)
附錄一	(301)
女真傳	(301)
校點後記	(310)

大金國志卷之一

紀 年 一

太祖武元皇帝上在位六年

太祖武元皇帝(初)[番]名阿骨打,後改名旻,楊割太師之長子也。其先龕福,五世至胡來,世為酋長,襲節度使。胡來生三子:長曰核里頗,次曰蒲刺束,季曰楊割。楊割生三子:長曰阿骨打,次曰吳乞買,又次曰思改,即粘罕父也。金人至楊割太師始雄諸部。

初,契丹國舅帳蕭解里聚衆為盜,潛奔女真,因命楊割圖之。楊割遷延數月,獨斬解里,遣阿骨打獻首級,餘悉留不遣。契丹不得已,反進其父子宫,自是遂懷大志。力農積粟,練兵牧馬,多市金玉以賂契丹權貴。如此十餘年,未有以發也。遼主延禧初立之年,楊割死,阿骨打立。阿骨打生于遼咸雍四年戊申。初在妊娠時,骨重異常兒。將生,(何)[河]水為沸,野獸盡噪。及生,若有光照其室,部落咸異之。既長,臂垂過膝,身長八尺,狀貌雄偉,沈毅

寡言笑，而有大志。弓力過絕于人。嘗至其部落，有意欲謀害之者，阿骨打覺之，奮劍殺數人而去，追者不敢當。既立，承楊割富庶之餘，兵強馬壯，加以遼主天祚掊剝是嗜，上下荒淫，其相李儼、蕭奉先輩庸瑣貪婪，阿骨打益有異志。

阿骨打之十三年，^①是春，蘇源奚室蒲古率其部落內附，共七千餘戶。是年，始破遼國寧江州。先是，五國之東接大海，出名鷹來自海東者，謂之“海東青”，小而俊健，能擒鵝鶩，遼人酷愛之，求之女真，女真苦之。又沿邊諸帥，邀求賂遺無虛日。遼主天祚如混同江釣魚，時疑阿骨打，欲殺之，蕭奉先諫止。阿骨打知其意，始謀叛。于是用粘罕、胡捨等為謀主，銀朮割、移烈、婁宿、闍母為將帥，侵混同江之東，名寧江州。天祚射鹿慶州秋山，遣海州刺史高仙壽討之，為女真所敗，失寧江州。天祚再以蕭嗣先帥奚、契丹五千人出屯出河店，臨白江，與寧江州女真對壘。女真潛渡混同江，掩擊之，嗣先兵潰，又獲甲馬四千。天祚兩敗後，謂奉先不知兵，召宰相張琳，付兵十萬使討之。計人家戶貫備一軍，富人有出一二百軍者。琳等非經濟才，統御無法，器甲聽從人便，往往以槍刀擐甲充數，弓弩鐵甲百無一二。于是分四路竝進，獨涑流河路一軍深入，遇女真，交鋒稍却，走還其壁。都統（幹）〔幹〕离朵者以為漢軍遁，即領契丹兵棄營而奔。漢兵尚三萬餘，推武朝彥為都統，再與女真戰，遂大敗。餘三路聞之，各退保其城，悉為女真攻克。

阿骨打之十四年^②夏五月，北方有光燭地，火星出，